



幔亭集卷之五

長樂郡
招野西
諸子本

閩中徐 燧惟和著

陳吉
燧惟和著

友人陳薦夫幼孺選

王 若相如編

五言律詩

出塞曲

羽檄交馳急橫戈賦遠征五更邊地角雙淚漢
臣纓夜月胡霜影秋風隴水聲何時清絕漠歸
去報承明

窮冬生朔雪寒色滿交河絕塞人烟少荒城戍
角多關山同漢月部落半羗歌欲破匈奴膽君
王莫許和

陌上桑

賤妾是羅敷條桑向路隅倦衣伸玉腕掩袂謝
金夫幹弱搥絲籠枝繁脊繡襦蠶飢歸去急五
馬枉踟躕

巫山高

宮殿傷蕪沒峰巒入杳冥猿聲經峽慘山色近
湘青神女魂何處襄王夢已醒朝昏見雲雨猶
自想精靈

梅花落

繁花生絕塞春至幾枝空舞雜梁園雪飄隨庾
嶺風妝臺香點砌官閣影辭叢少婦高樓上含
悽曲調中

折楊柳

別時曾一折羗管不堪聽愁鎖眉同翠嬌迴眼
共青征途悲雨雪古驛望流星却恨飛空絮隨

波化作萍

關山月

一片關山月悲歡望不同
穿廬光照海沙磧影
連空輪滿開秦鏡
弦斜倚漢弓年年三五夜魂
斷王樓中

隴頭水

秦川分兩水嗚咽不能休
飲馬水猶凍磨刀血
半流東西隨隴坂
遠近入遼州萬古聲無盡惟
添征戍愁

紫騮馬

躑躅橫行意悲鳴戀主身
金鞭垂漢月王勒控
胡塵影絕追奔易蹄高
轉戰頻不辭流汗血未
可事和親

銅雀伎

銅臺遺令在王座
主恩非舊曲流哀管餘香散
舞衣總帷空寂寞羅綺失
光輝日日西陵望君
王歸不歸

送人赴安西

離亭征馬嘶送子赴安西後會知何日前途方
鼓輦天寒白草瘦沙闊黃雲低所惜同心遠能
無心悵悵

題方廣巖解院

參禪覓野寺涼月滿空山行到叢林裏溪流隔
幾灣老僧擁衲坐孤鶴聞鐘還回首來時路渺
茫烟靄間

塞上逢故人

胡笳聲正喧一騎向秋原偶爾聞鄉語因之傷
旅魂停鞭問姓氏掩淚叙寒暄未盡悲歡意沙
場日又昏

送僧還山

深林長閉關歲久欲西還落日人烟少秋風梵
磬閒錫飛孤鶴外衲過斷雲間應嘆無期別相
尋何處山

元夕集宗少府宅

勝地春光早開尊卜夜驩更深銀燭短風細玉
簫寒露氣凝踈幌花陰罩畫欄六街冶遊子香

霧撲雕鞍

令節逢元夕春先此地偏竹枝遊女唱桂酌玉
人傳漸覺銀河墜還驚珠斗懸悠然歸路晚萬
井散燈烟

溪行

空山收晚照秋色滿川原礎杵誰家婦雞豚何
處村叢林喧恠鳥絕壁挂孤猿白髮高堂上遙
遙正倚門

重宿靈源洞懷珠上人

重借蒲團宿五師已度杯烟霞虛白社衣鉢入
黃梅猶憶無生偈空餘般若臺靈源今夜月依
舊照蒼苔

送陳平夫歸六溪

送爾出關門潮生野渡喧離心數行鴈愁思一
聲猿月暗迷前浦林疎見遠村今宵燈影裏相
憶倍銷魂

亂後經電白縣有懷故園

一夜撓捨落東南乍息兵黃雲依舊壘白骨委

孤城入口蠻烟路千家野哭聲故園殘月影偏
向馬頭明

樵川道中

停舟宮簿暮古寺報昏鐘茅店斜臨水柴門半
倚松雲蘿催暝色霜葉老秋容片月飛清影寒
山翠幾重

送鄧郡丞擢河東轉運

征馬忽聞嘶飛花起馬蹄一官司斥鹵萬里隔
雲泥路入滹沱近城連恒岳低知君纔駐節名
已震關西

舟次小箬溪遇邵廣文夢弼話別

邂逅白雲邊停橈一問玄去沽桑落酒來醉廣
文氈月色催更柝霜花壓釣舫相逢俱逆旅明
日各風烟

劍津夜泛

夕翠飛舟壑惹龍色不分神龍前代化山鬼隔
村聞零露清殘月流星入斷雲溪邊高閣在何
處遇雷君

度何嶺憶家

鄉淚正紛紛猿聲到處聞孤峰遙聳翠恠石自成文憶弟吟春草思親指白雲投繻向關吏何意學終軍

塔嶺道中

樹老根盤鬱峰奇勢不齊單車穿宿莽雙巘夾清溪古驛喧猿語荒郊印虎蹄王孫歸未得愁見草萋萋

仙霞曉發

早起肅行役寒威何太嚴防身惟短劍沽酒有長髯故國山河盡愁心日夜添雞聲催出客殘月掛茅簷

度西陽嶺

絕巖疑無路披蓁霧裏行千尋皆鳥道四壁半猿聲田父扶犁出山僧倚錫迎停驂聊買醉霜月滿孤城

舟次龍丘遇尹光祿留飲賦謝

黑髮朝參懶聽松枕石眠胸中才八斗門下客

三千望氣關常紫揮毫草正玄自慚同侶笑休
負孝廉船

西湖立春

春色薄城陰東風到武林暖回鄒子律病作越
人吟兒女他鄉淚鶯花故國心西湖有狂客相
對酒杯深

王百谷招飲半偈菴

歲晚過吳市飄零念此身投君二指刺醉我百
壺春名下無虛士天涯有故人相逢談半偈江

上月華新

毘陵舟中

行行驚感暮孤棹滯天涯遠岸經橋合寒流抱
郭斜何人分竹葉無使寄梅花苦爲微名累蕭
蕭兩鬢華

南徐除夕

倚棹南徐下燕山北望遙客程猶未半殘歲只
今宵鄉淚當孤燭愁心逐夜潮高堂有白髮何
意向雲霄

楊子江望金山寺

纔過楊子渡便覺氣蕭森地勢分南北江流自古
古今浪翻塔影動雲擁寺門陰未慣風波苦空
餘涕淚深

漂母廟

淮水流無盡荒城古廟存何人憐國士老嫗識
王孫雖有千金報寧酬一飯恩平生知己意難
與世人言

任丘道中

馬足怯春霜燕山路正長生涯慚小草離緒寄
衰楊白骨新丘壠黃沙古戰場平安空有信來
往少同鄉

李惟實過集客舍

擊筑還燕市逢君醉濁醪龍門叨御李蟲刻愧
投桃歲月虛長鉞風塵暗大刀可憐燈影裏相
對兩青袍

出都門懷程五表兄

獻策不得意呼童便束裝人皆悲失路我獨喜

還鄉拓落嘲玄草驅馳愧綠楊歸尋河朔侶同
擘荔枝香

游虎丘寺

一棹過蘭若齋心禮法華荒墳深據虎古木亂
栖鴉寶塔凌空迥幽巖逗月斜生公講臺在何
處有袈裟

同吳之衛馬雲卿飲張幼于曲水草堂

兩度過吳市今來得問奇榻從花下設人在竹
間窺座客皆黃髮先生自白眉名園依曲水芳
宴共題詩

詣賞園別顧世卿

共醉草中酒驚看別後顏神龍分劍浦羸馬出
陽關園似遊金谷人如行玉山相逢又相別空
有淚潏潏

午日過江郎山

車度蒙茸裏侵衣樹色涼土音聞越客山色見
江郎萍梗悲遊子萑蒲憶故鄉龍舟何處競簫
鼓斷人腸

至家

故里經年別今朝樹倚閭關河空阻絕歲月易
居諸燕麥埋荒徑鸞花老舊廬昔莫嫌金已盡還
有一囊書

行脚僧

何年辭故院足跡徧雲天有寺皆投宿逢人便
結緣木杯窮歲月錫杖老風煙人境元成幻行
藏總是禪

旱

入秋猶不雨望已絕三農處處憂豺虎村村祭
土龍人情皆閔歲天意豈乾封米價騰如此軍
儲不罷供

上天未悔禍四野正皇皇溪澗水亦涸桔槔何
處忙誅求今正急誰敢議開倉苦乏謀生策湏
求辟穀方

嵩山寺贈淨上人

古寺門空閉青林紫衲僧風傳齋後磬雨暗座
前燈經不念中品禪能叅上乘夜深談半偈無

愧佛圖澄

芝山寺逢游元封兼懷宗振

當年曾一面此夜遇禪居乍見不相識驚看鬢
漸疎阿咸元自達癡叔竟何如別後餘玄草毋
忘寄敝廬

春興

入春纔數日春意滿疎林苔補堦前色禽傳竹
外音山容開曉霽雲氣散輕陰虛室無塵想冷
然物外心

訪瀚上人

遁跡芝山寺長年不出龕行深忘色相客至但
和南傳世燈千劫隨身經一函無言即直意禪
理豈須談

溪行照眺

溪上欲黃昏潮平浪不翻鐘聲雲外寺燈影水
邊村荒坂牛羊下前林鳥雀喧桃花最深處莫
是武陵源

清明客中寄惟起弟

迢遞京華路風塵多苦辛可憐三月暮又負一
年春故里鸞聲老天涯柳色新孤燈風雨夜憶
汝倍傷神

同王王生惟揚弟登劍州明翠閣因懷宗
思兼先生

高閣倚峻嶒年來幾度登危欄縈野竹帷石抱
枯藤上界空香墜前山翠色疑因思舊遊者望
斷白雲層

王臺驛

古驛枕溪流群山抱嘒嘒樓聲寒午夢鸞語動
春愁芳草王孫路桃花漁父舟白雲與流水相
對共悠悠

舟行

空山駐夕陽山色更蒼茫隔岸蘋花白滿汀蘆
葉黃寒蟬抱樹咽金氣侵衣涼此際溪行者能
無思故鄉

舟行正暮秋晚眺思悠悠驛路當溪斷漁家傍
竹幽山阿全隱寺石罅亂迴卅坐聽寒溪水潺

浚日夜流

秋日同女翔伯孺惟起集女大山齋

高齋秋氣清殘暑坐來輕竹外商飈度松間天
籟生一杯桑落酒千載薜蘿盟我輩踈狂甚誰
當嵇阮名

劍浦得幼孺書

別君經一年迢遞各雲天彼此有消息全憑書
札傳鴈飛九峰外夢到六溪迢把臂知何日關
緘空惘然

病中遲陳道育不至

幽齋啼暮禽扶病自沉吟孤燭當殘夜踈鐘度
遠林月窺松隙小雲閉竹房深空有懷人意杳
無車馬音

贈陳元之刺史

先生宗炳流山水卧中遊隱夫能自適澹然何
所求紫雲當日夢黃菊此時秋投老六溪上依
稀如十洲

慰陳振狂失釣艇

一夜秋江漲聞君失釣航
聲應停欸乃歌忽罷
滄浪荻岸空殘月蘆磯
但夕陽遡迴知所去宛
在水中央

枯纜何時絕飄然嘆斷蓬
豈知漁父柁翻作楚
人弓鶴侶今誰載鷗群
舊已空中宵頻起望或
有石尤風

青錢費幾緡買棹作漁人
岸火焚孤纜秋風罷
釣綸飄零疑海恠去住
聽波臣不返緣何事君
其問水濱

歲暮懷鄭六初

忽忽歲云暮天涯客未還
夢迴瓜步月人隔秣
陵關驛路梅花瘦空齋
竹影閒何時理歸棹相
對說青山

夜坐

空齋寒似水獨坐倍淒然
葉響林間雨風聲竹
杪泉應門雙鶴睡照佛
一燈懸暝色生蘿徑飛
來絕壑烟

歲盡

范叔寒如此其如復逼年文章能作祟吾道合
述遭吏預催官稅門多索子錢縱然貧到骨不
敢怨皇天

苦雨

淫雨經旬月蓬蒿掩敝廬
飢烏藏樹杪行蟻徙
堦除天意高難問雲遊跡漸踈
山中篔簹笠在長
日自揮鋤

竟月雲陰合千峰雨脚連
田禾爛欲死平陸潰
成川竹經坐來惡蕉房聽可憐
因之發櫛沐白

日枕書眠

九夏苦無雨冬來何太繁
冥冥翻浪急莽莽塞
天昏野服霑松翠空墻繡
蘚痕山齋幽寂甚愁
緒豈堪論

約女大女翔振狂惟秦在杭藤山看梅

藤山梅萬樹冬盡一齊開
粉面懷人瘦香魂入
夢來翠微將失色玉屑漸成堆
昨得花神檄遲
君共舉杯

梅塢餘殘雪踈枝冷不禁
去招梁苑客同作灞

橋吟十里花爲市，千家主作林。慎毋披鶴氅，樹裏恐難尋。

同女翔在杭看梅先宿蘆中磯

雪後尋梅塢蘆中，問鈞磯榻同陳仲舉。詩得謝玄暉，朔氣凝青幌。寒香動翠微，前林春色好。折得幾枝歸。

白龍江上路五里，卽梅林。覓借蘆中宿，同諧物外心。清霜明竹屋，涼月墜花陰。姑射僊人夢，朝來不可尋。

蘆中磯曉起喜女大惟秦至

犬吠華門前，遙驚石榻眠。携來雙竹杖，穿破一林烟。袖出梅花譜，囊添麴米錢。歲寒盟不負，同醉白雲邊。

曉起看梅

花神催曉夢，枕上忽聞馨。路指梅林白，尊檮竹葉青。蘿衣沾宿露，藜杖帶寒星。積雪看如絮，前村乍杳冥。

秋夜女大見訪留酌

故人當夜至倒屣出相迎坐久詩情發霜寒酒
力輕殘更聽漸促微月欲西傾分手柴門寂惟
聞天籟聲

哭同年黃紹馨孝廉

同領鄉書者才名君最先賦成栖鵬日筆絕獲
麟年堂有雙黃髮家無二頃田交情盡一哭淚
洒寢門前

喜林逸民山人再至

相見各歡悲風光異昔時如何赤城客又赴白
雲期情以重來密詩從別後奇試看雙髻裏添
得幾莖絲

春日閒居

草閣春方暮檉陰日未斜蝸涎分斷壁鸞語共
隣家曲塢藏脩竹輕雲覆落花卑栖有至性長
此卧烟霞

菴屋依青嶂蒲團坐白雲新茶燒竹煮老栢雜
香焚壁上古苔紋見林深鳥語聞冥心忘早晚花
外已斜曛

一室通幽徑群峰列翠屏空階半夜雨新竹幾
行青山果猿爭拾巖扉鶴自扁花間聞剝啄客
借太玄經

焚香坐翠微山色入荆扉日午鳥啼歇門開人
跡稀休糧孤鶴瘦積雨野蔬肥欲識靜中意白
雲天際飛

宿陳七吸江亭

高談當子夜人世幾今宵共步蘆中岸因歌竹
外橋孤琴清澹露寒磬落歸湖此地堪栖隱願
來豈用招

烏石山贈僧

鷲嶺白雲邊茆庵只數椽污泥皆淨土人境即
諸天山現空中色花明定後禪蒲團今已爛趺
坐不知年

風雨

風雨來何驟虛堂白晝陰木摧愁破屋巢落不
歸禽水入花畦亂雲埋竹塢深殘虹開晚霽飛
瀑滿遙岑

宿林熙工面壁洞

精舍錦溪東依然梵宇同一燈禪榻寂孤磬世
緣空花散諸天兩松生萬壑風池光與月色相
對意無窮

古洞傍巖陰烟蘿一徑深白雲皆幻迹碧草自
禪心日午風旛影月明霜磬音已空人我相任
是世人尋

同林熙吉鄧汝高游錦溪竹林

一路盡莓苔濃陰晝不開山依迂澗轉泉逐斷
橋來同坐松間石還傾竹下杯隔溪烟磬晚欲
別又遲回

水西遲陳伯

之子來何暮相思
溪流對酒不成醉
盡往來舟
平楚月魂斷錦
幾迴沙浦上數

送陳十二仲溱歸柯嶼幽室

憐君復失意別我向南還落日
嶼山馬行青草去
語綠楊日
應垂釣溪

流第幾灣

過白雲寺

尋僧到白雲，復覺上塵氛。
古道少人跡，流鶯處處聞。
泉聲歸澗，山色過橋分。
坐聽疎鐘起，空林正夕曛。

送劉季德還南

盡此一杯酒，送君千里心。
魂飛瘴嶺外，路指海雲邊。
春老花隨馬，潮平月到船。
相思當後夜，閩粵異瓜烟。

送張叔毀博士自永嘉還長溪

青氊坐未煖，白馬東嘉還。
夢繞龍湫水，門當姥姥山。
悲風起渡口，落月傷離顏。
一望一惆悵，思君空閉關。

懷鄭四琰客邊

仗劍干明主，壯心殊未休。
風塵闕海夢，烟月薊門遊。
相憶坐與卧，去家春又秋。
君懷棄繻志，當斬樓蘭頭。

送黃博士典試之楚

送汝正秋初河橋柳漸疎忽飛閩海鷁去食武昌魚湖水連官驛湘雲擁使車聖朝方急士早薦賢書
萬里楚天色君行意若何收將和氏璞聽遍郢人歌飄影洞庭盡馬蹄衡岳多勝遊知有賦莫惜吊湘娥

送周喬卿

交驩纔半載歲晏復離群馬上程三日囊中錢幾文行藏元似寄世態總如雲莫笑吾公甚梅花可贈君

歌者陳郎戲作胡姬妝即席調贈

漢宮推麗質結束作胡姬蔡女還家日明妃出塞時狐裘裁袖潤貂帽壓眉低不必歌黃鵠風霜貌不移

建溪中秋懷馬季聲諸子

對景不能歡鄉心有萬端青天一片月白杜幾人看葉落知林瘦溪深覺夜寒南飛見烏鵲何意獨凭欄

關門曉發

關門何處通路入亂雲中雞唱逐殘月馬蹄隨
曉風泉飛秋澗響葉盡暮山空感此封疆異離
心誰與同

九日集張幼于曲水草堂

虛亭來爽氣秋色滿疎籬楚客紉蘭佩吳姬唱
竹枝假山遙對戶曲水暗通池不負登高興渾
忘故國思

寄惟起弟

別來音信稀憶汝忽霜沾衣細雨孤帆遠長天一
鴈微魂隨青嶂斷夢與白雲遶明歲黃花節知
余歸未歸

許野齋聞逢王百谷

才作吳門別重逢在水涯青蚨沽綠酒彩鷁載
黃花坐久潮初滿談深日易斜虎丘一片月相
送到京華

金昌贈錢功父

半偈庵頭別春風又幾年相逢猶問姓感舊各

惺惺集 卷五
茫然爾我形容改江湖憂寐牽此心倍悲喜莫
惟太留連

雲間旅情

一帆辭樵李兩日到雲間江路依松轉柴門映
竹關顏隨秋色老夢逐暮潮還忽聽華亭雀悵
然思舊山

京口夜泊遲陳大不至

落日橫京口停雲更黯然經旬同去住此夕異
風烟目斷寒蘆外魂銷短燭前榜歌頻起聽未
夜不能眠

同彭正休陳子卿遊金山遇張函一孝廉

閔壽卿山人恩公若公

萬頃江如練中流湧翠微浪翻孤塔影雲戀定
僧衣客路同聲少空門聚首稀斜陽各南北惆
悵水烟飛

同陳子卿過廣陵訪夏玄成吳叔嘉留飲

席上分得燈來二字

歲晚天涯客孤舟度廣陵論交疑是夢對酒喜

如澗郭靜濤聲遠天寒露氣凝不愁歸路黑江
上有漁燈

客路逢知己飄零未可哀凍雲依樹合殘月隔
花來喜言對高陽侶慚非鄴下才觀濤吾有賦秉
燭爲君裁

酬陸無從率爾見贈之作

陸氏機雲後誰當夫子賢賦能工白雪官已薄
青氈地僻口如水庭間草似烟蕪城分手處感
激贈新篇

交河早發

京華望不極曉起戒行程馬怯霜橋路雞殘月
店聲晨光催斷角暝色破孤城此際栖栖者思
鄉無限情

河間宵征

不盡風塵苦宵行路更難清霜蛩語急斜月馬
蹄寒碓搗閨心碎笳吹鄉夢殘驛樓看尚遠何
處解征鞍

憶故園梅花

卷五
三
衰柳長途恨寒梅故國思微霜虛矮屋殘月冷
踈籬隴外人難寄林中客到誰藤山歡賞處又
是隔年期

北地

北地非吾土重遊信可哀鴉聲喧白骨馬足起
黃埃野曠衰楊柳田荒變草萊江南風物好一
望一徘徊

至京

客途勞役息帝里物華新馬踏交河月鶯傳上
苑春曙光開柳陌雲氣戀楓宸應待臨軒日抽
毫賦大人

辛卯除夜姑茂舟中

客路行無盡終天恨轉深乾坤烏鳥淚風雨狄
徠吟爆竹催殘臘梅花憶故林未能委溝壑聊
慰北堂心

送郭士龍

送爾不能歌相看意若何離心寄雲水春夢隔
關河草色晴尤媚鶯聲暖漸和梁間懸榻在莫

惜數來過

送葉廷蓋

我本倦遊者送君增苦顏
潮聲螺女渡歸夢壺
公山春色鶯啼外行程
鳥道間所嗟瑤樹遠何
日更追攀

病中得王少文詩

山樓纔信宿偃卧各經旬
負此看花約蹉跎欲
暮春詩從愁裡答神向
夢中親誰復憐同病相
思長苦辛

哭張隱君

先令云亡日君猶慟哭
過芝焚方自嘆薤露忽
成歌耆舊鄉中少交遊
夢裏多因之動淒楚腸
斷更如何

與惟秦夜話因懷惟起客冰西

春宵何太短忽忽已三更
燈散踈林影蛩傳古
砌聲談深塵慮息坐久
月華生爲憶溪行者應
含兩地情

寒食日熙吉王生惟秦根狂伯孺少文集

綠王齋

佳節逢寒食。孤齋聚德星。談應同稷下。會可比
蘭亭。粥煮楊花白。尊浮竹葉青。春光能有幾。取
醉莫教醒。

喜興公弟遊方廣嶠歸

犬吠竹間扉。遊山客乍歸。杖頭嵐翠在。衣上冰
簾飛。路入羚羊谷。舟停鷗鷺磯。慚余多勝具。此
地却相違。

石嵩廢寺

寺廢久無鐘。禪關掩萬峰。空廊惟卧虎。棄鉢不
歸龍。墻塌埋殘碣。苔深翳古松。倘非樵子引。那
識往來蹤。

春暮送周喬卿

忽驚春已去。况復送君歸。別意有如此。前途花
正飛。蟬聲風外急。山色雨中微。後夜看明月。相
思獨掩扉。

送林宗大之玉田

飛花滿驛亭。送子出郊垆。馬影雲邊見。蟬聲雨

後聽沙看兩岸白山到五華青試向中宵望何
人是客星

送陳道育下第歸王融

憐汝復棄置歸尋海上山相逢俱落魄何以破
愁顏古渡春流外孤城瘴霧間離心當此夜空
對白雲閒

贈隱者

東郊稱大隱耕鑿古風存冰竹開三徑桃花自
一村閒心餘白髮生事寄青尊愛爾幽棲處依
稀似鹿門

贈漁者

不作風塵客生涯寄釣綸江湖孤棹遠烟雨一
竿貧鼓枻同漁父藏名比富春武陵溪尚在爲
我問迷津

夢

夢裏交驩者平生識面稀贈香疑賈女解佩似
江妃錦水烟波濶巫山雲雨微遽然驚醒處清
淚滿羅衣

江上送惟起弟

別意孤帆遠行裝一劍貧何堪哀痛後復際此
風塵旅館常懷母長途好愛身江干一杯酒相
對總沾巾

送高廣文之蜀

金粟臺前別征帆夕照催猿聲巫峽聽馬帳錦
城開閩海風塵隔巴流日夜迴此鄉多俊彥若
箇子雲才

蜀道難如此分携思不窮秋風登劍閣夜月度
蒼蠶客路憑羸馬離心寄斷鴻講堂聞尚好在好
去繼文翁

贈方伯書

風塵初識面尊酒罄交驩人已如玄度才能逼
建安青雲名不薄白雪和應難此別何時遇秋
宵夢木蘭

得舍弟吳中書

汝別三旬久家書兩度看帆前江月迥馬首嶺
雲殘路遠愁裝薄秋高怯被寒孤身千里客若

箇勸加餐

贈性言上人

多年坐沃洲此日伴師遊
白社閒中夢丹楓客裏秋
浣衣江月冷扶杖嶺雲流
欲證無生訣萍蹤不可留

南朝四百寺師在幾招提
法以蓮花悟詩將貝葉題
游蹤閩海曲歸興秣陵西
相見即相別秋風惜解携

題徐氏池亭

名園依北郭避俗此盤桓
鶴跡留苔徑鶯聲滿藥欄
池添春雨漲樓對暮山寒
但得頻投轄相過意未闌

桃源何處所此地即仙家
林密藏春靄樓虛納晚霞
輕風三徑竹微月一庭花
宴坐塵心遠寒塘獨聽蛙

懷惟起弟

遠客憐吾弟離愁有阿兄
又無鴻雁信空聽鶻鴒聲
歲月三秋晚寒溫兩地情
山齋長寂寞日

日計歸程

碧山菴逢亮上人

清溪帶遠山曲徑入松關客以叅禪至僧當乞
食還一瓢秋色澹孤磬夕陽閒別去仍回首禪
房雲氣間

送李驛使之官雷陽

驅馬將何適微官傍海涯公庭饒蜚氣墟落半
蠻家路指羊城入山隣象郡賒地偏少束帶高
枕咏皇華

過挹翠亭

精舍祇園近脩然遠市喧山光隔竹少月色傍
花繁松影搖虛閣蘿陰翳短垣小舫時可泛彷彿
武陵源

九日大風雨與黃道晦陳惟秦飲屋後小山

九日忽風雨登高事已非秋聲繁灌木商意薄
輕衣衆壑浮青靄千峰失翠微小山培塿甚吟
眺亦忘歸

得朗公詩却寄

真僧雖出世蹤跡尚人群妙法登壇演名香入
定焚樓舍孤嶂月衲掛半溪雲千里封題寄新
詩過所聞

哭林文烈

十載神交舊年來倍憶君每疑音問闊誰謂死
生分識面真無日浮生總似雲難將知己淚一
洒故人墳

相違三百里消息太茫然對月思玄度披圖憶
輞川訃來當此日死去自何年墓木今成拱纔
歌薤露篇

得寧夏消息

叛卒雄心舊元戎血刃新中原多戍壘邊郡半
胡塵時事何旁午吾生寔不辰願聞烽火息老
作太平人

亂離猶未定百姓夜虛驚官府勾丁壯鄉閭練
甲兵笳聲吹隴水殺氣暗邊城不識書生輩何
人敢請纓

至日對客

葭管灰初動殘花滿故籬誰知開徑日正是閉
關時短晷閨中線生涯鏡裏絲相逢聊一醉莫
問歲華馳

渡峴江訪林熙吉

江路當殘雪斜陽滿客衣林疎村店出浪急釣
船稀遠嶼臨流斷罡風到岸微炊烟看漸近何
處是漁磯

青山兩岸濶一葉度空江叫雁雲中獨浮鷗浪
裏雙霜花飄野渡冰氣拍船窓漁唱來前浦隨
風自有腔

旗山勾漏洞

溪山何透邈數里入鴻濛斜日猿聲外殘雲鳥
道中亂峰諸洞隱萬竹一泉通趺坐松間石塵
心覺盡空

丹成不記年古洞白雲邊衆水爭趨壑孤峰欲
接天路危逢亂石山盡見平田日暮休歸去還
期遇葛仙

葛仙何處去勾漏訪遺蹤
陝嶽齊攀竹聽泉獨倚松
石床荒蘚合丹竈薄雲封
轉入深林外前山又一重
仙都在人境一步一崑巒
惟石各有態脩篁難計竿
松烟燒處煖蘿磴坐來寒
別去仍回首餘生幾度看

瀨下晚泛

一水平如鏡西風晚渡時
茅茨燃鬼火榛莽翳神祠
潮勢衝溪盡峰形過瀨奇
山川勞應接進艇不嫌遲

登岸

蘭若知何處躋攀尚數程
逢沙愁瀨淺登岸得舟輕
古石莓苔色空林猿鳥聲
除將樵採者更有幾人行

山行

脩竹夾藍輿嵐光欲染裾
小橋流水急古路凍雲踈
村屋乘冬結山田隔歲鋤
空林聞犬吠不異武陵居

放船

孤舟迴亂石流水響潺湲漁網蒹葭外人烟竹
栢間斷雲迷晚渚殘照下秋山遠寺昏鐘起樵
歌出谷還

贈潮上人

真僧住洞天苦行已多年說法苔衣上安禪瀑
布邊瓢餐千澗月衲掛半林烟夜靜諸緣息跡
趺久不眠

贈波上人

隨師居淨土禮佛向空門夜一房猶擊句中髮
幾髡蒲團同鶴睡貝葉借猿翻壁掛袈裟濕因
過雪裏村

別方廣巖

靈境探應徧言尋舊路歸殷勤記崑石惆悵別
林扉出洞寺全隱下山泉漸微行行頰矯首人
世到來稀

春日曉起

山色猶含暝柴門逐曉開流星墜高柳濕霧隱

帳亭集 卷五
殘梅出谷鶯喉冷巢林鶴夢迴無緣獨吟眺春
意滿莓苔

送鄭承武之東魯

送君當此去匹馬向東阿夜淚燈前盡春愁夢
裏多亂雲過泗水斜日下黃河雖有遠遊興能
無思薜蘿

惜別意何長鶯聲滿夕陽殘碑問鄒嶧遺殿吊
靈光下馬多新店逢人少故鄉歸期須及早莫
待寄衣裳

晚至石竹山

尋真當薄暮暝色滿松關絕壁猿聲斷遙空鶴
影還雲邊春草路天際夕陽山應識仙都近鐘
聞杳靄間

月夜度石梁登摘星臺

四野蒼烟暝千峰夕照催踏茲明月影獨上摘
星臺山自鴻濛剖人從鳥道來石梁稱險絕不
用說天台

贈岩上人

昔住毘盧殿今居石竹山春雲禪衲煖夜月梵
鐘開香積供徂飯禪房倩鶴關平生愛空寂相
對欲忘還

石竺山遲陳道育不至

正苦經年別終違數里程談應虛玉塵夢已斷
瑤笙報客空勞鶴懷人獨聽鶯一燈松影裏吟
卧若爲情

讀顧道行先生碑刻

使者登攀屢秦風又幾年詩留孤嶂裏人老五
湖邊屐齒埋荒蘚碑稜隱斷烟摩崖題幽賞

悵隔山川

東郊晚行

出郭高春後郊原起夕陰山山曳殘雨步步響
新禽老樹莓苔厚空林紫翠深招提何處所雲
際有鐘音

湧泉廢寺

古寺荒涼久凄然感廢興殘灰六十載破衲兩
三僧黠鼠據香積妖狐吹佛燈黃金重布地不

識有誰能

淨室已立墟荆榛久未除空山樵子路前代梵
王居石在顏殘後金身煨燼餘披雲尋故址一
步一躊躇

喝水岩贈瓢菴頭陀

何年此卓錫錫鑿磬度昏朝瀑水引歸鉢茅菴結
似瓢躡雲雙苜蓿坐月一團焦隔寺有禪侶相
尋不憚遙

靈源洞懷振狂在杭

南郭人何處東山屐已非春風憶茗水夜月夢
蘆磯以我招尋慣如君同調稀摩挲舊題刻空
見白雲飛

擬送僧歸日本

遠指扶桑外龍宮是緝園慈航尋海舶晨磬待
朝暎已悟西方教漸通中國言懸知無佛處師
去定稱尊

遙天迷去住但看指南車重譯同歸舶陽侯護
法書颶風心自定海恠呪堪除此去無禪侶應

尋絕島居

歸程兼晝夜天水共微茫但指日出處此中吾
故鄉皈依多獺獠供養有夷王遙想珠龕下常
焚異國香

別去上星槎滄溟道路賒夷音宜呪唄左袵自
袈裟演法從天然傳燈到海涯不知千劫裏何
劫到中華

病僧

苦厄那能度醫王亦抱疴苔侵雙屐濕塵鬢一
瓢多錫杖頻扶手金剛爲伏魔跣趺在禪榻或
恐是維摩
聞鐘苦夜長形影自淒涼懺悔除前障呻吟檢
古方坐非同面壁卧豈倦津梁氣運有時盡千
花塔裏藏

集鄭氏烏石別墅

衆山環曲徑亂竹掩衡門塔影雲中寺人烟郭
外村新蟬喧白晝歸鳥報黃昏此地清幽甚依
稀似習園

雖是居城市却無城市喧僧歸殘雨寺樵度隔
雲村花落鳥聲歇草多螢火繁斜陽人散後留
鶴守柴門

法雲寺對月

空界雲陰歛祗園月色澄光生初動磬影送未
歸僧入水悟禪意照林疑佛燈更闌縱吟眺衣
上露華疑

挽陳太學

龍駕南巡日何人批逆鱗誰知伏闕者却是布
衣臣抗疏青雲薄憂時白髮新至今遺廟在蘋
藻自千春

欲迴江漢輦痛哭叩重闈死諫孤臣節生還聖
主恩青山藏疏草白日照忠魂寂寞荒墳上西
風啼暮猿

樹下禪僧

跏趺依古樹偃息對峰陰草屨莓苔濕麻衣烟
靄深猿啼知定性葉落見禪心明日隨緣去遊
蹤何處尋

老樹不知年無言息樹邊著頭多雀穢徧體有
蝸涎木葉寒時佩花裊定後眠月中行客過疑
是野狐禪

過鄭吏部墓

荒墳不計年過客淚潛然朽骨藏於此吟魂何
處邊野狐啼暮雨石馬卧秋烟安得斯人起重
令大雅傳

西郭塚纍纍經過下馬誰先生一坏土詞客百
年悲藤護將崩石苔封未斷碑應知靈爽在歎
我不同時

贈史使君

風流史使君三載竹符分吏舍積青草公庭生
白雲山城有絃誦瘴海無妖氛父老關門送不
持錢一文

一麾初出守三十已專城露冕諸侯貴攀轅百
姓情俸貧難養鶴庭靜但聞鶯試看長溪水惟
君能共清

贈黃生懋政

憐君湖海客寄迹少年場音律周公瑾丹青顧
長康俠常彈短劍貧不厭空囊名姓應難問多
於酒肆藏

過鄭君大白雲庄

何處辨山家輕雲處處遮亂峰圍拱木一徑入
梅花草榻依林設柴門逐水斜主人無所事杯
酒送年華

晚泊七里灘

寒雲生近浦落日滿前汀旅夢驚潮破漁歌過
瀨停一竿秋水碧孤棹晚山青向夕推蓬望中
天見客星

山中古廟

山深香火微廟宇冷斜暉壁古龍蛇暗厨荒鼠
雀饑歲時村婦拜水旱土人祈簫鼓田間過知
爲祭賽歸

一路人烟絕空山見古壇禹存周款識像塑漢
衣冠鳥跡殘碑篆虬枝老樹蟠可憐年代久風
雨廟門寒

古廟白雲邊神粧尚儼然靈應山鬼託龕任野
狐眠開枿知何代銷沉不計年居民流竄盡累
歲斷香烟

元直秀才觀微上人過宿

風流看許椽定慧得支公白社當年結清言此
夕同亂蛩吟竹塢一犬吠花叢相對殘燈下能
令塵慮空

送瀚上人遊越

師行無定蹤此去路千重投宿月中寺經過雪
裏峰閒身臨水衲禪意隔潮鐘明歲西湖上相
尋九里松

雖云游浙水未必浙中遊遇客皆爲侶逢山便
可留獨行半風雪一別幾春秋所惜談詩夜從
今少惠休

真僧欲度世豈肯倦津梁白足他山月緇衣滿
路霜一燈傳異代六祖是同鄉此去逢行脚新
詩好寄將

得譚比部寄先未寧書感而賦荅

淒風生敝廬忽枉故人書不復知存沒猶然問
起居一緘千里外雙淚幾年餘孔李通家舊母
令魚雁踈

送危博士之官馬平

茫茫江水濶相送片帆孤炎海川途遠蠻天氣
候殊瘴烟發青草雲樹黯蒼梧想到談經日三
鱸墜有無

送陸畫師還錢唐

客懷當暮冬去矣不從容草屨千峰雪柴門九
里松貧惟安豹隱老任咲龍鐘爲問經行處雲
山貌幾重

岫山看梅過曾文表墓

一路盡氤氳看花倍憶君白楊知己淚宿草故
人墳樹影含殘照猿聲哭暮雲淒涼身後事地
下可能聞

送楊太學之金陵

勞歌動別筵酒散各雲天折柳當春暮看花正
少年鶯聲孤店月草色六朝烟無限懷人意金

陵何處邊

故黎平太守袁公輓歌

未別城中路新成郭外墳
旒題前太守書失右
將軍廣柳驅殘月
其棠翳暮雲應知千載後
不朽是遺文

誰知五馬客竟作九原人
出郭有魂氣還家惟
影神墓中難待曉
地下不行春斯世無同調
悲歌淚滿巾

白馬出關門愁聞鼓吹喧
山靈收正氣月色引
歸魂貴至二千石
書餘幾萬言翩翩卅旒過猶

訝轉朱轡

赤紱人何處青山骨可藏
鄉隣悲道路父老泣
蠻方圖史虛東壁
松楸冷北印明君思起草猶
問秘書郎

林伯儀自金陵還莆過訪話別

爲客經淮楚歸途訪索居
雲山一騎遠烟柳六
朝踈問路知鄉近
還家及歲除陸生裝薄甚
惟有一囊書

癸巳除夕

又見韶華換空爲老大悲齒添新歲曆酒祭一
年詩流落憂前路歡娛憶少時生憎簫管惡苦
向隔隣吹

送鄧汝高進士還朝

獻歲赴王程全家向北平斷冰淮口渡殘雪蘄
門城烟柳迷征蓋風花引使旌長安春色好莫
起故園情

柳色催離况椒花戀別筵夢繫人去後春到客
行先掛席河通楚驅車路向燕相思明月夜惆
悵隔山川

遊通谷洞

小徑斜通谷躋攀及晚晴草荒尋鳥道磴險作
蛇行暮色千峯合春流一鏡平石間舊題刻半
是紫苔生

登烏石山

絕巘分青靄高臺接絳霄鐘聲多近寺墨蹟半
前朝徑小疑藏洞山窮忽遇橋憑欄時縱目滄

海望中遙

同微師至面壁洞

竹徑雲陰亂松門夜色虛佛多同客禮洞半借
僧居旛動風來後鐘殘月上初何須別栖隱此
地卽吾廬

題惟揚弟法雲寺書舍

誰知菩薩界亦有子雲居厨趣僧炊後膏分佛
照餘窓窺施食鳥笥竄蠹經魚方衲時相叩稭
應來借書

絕粒僧

苦行凡心絕休糧道氣清齋惟供弟子食不乞
王城已覺形骸幻能令香味輕雲遊經處處不
用載瓢行

送顏廷愉將軍料兵海壇山

少年初建節走馬向孤城蜃氣雲中市狼烟海
上營曉霜明雪戟夜月捲霓旌幕府防秋急看
君獨請纓

同微公元直興公弟至鼓山

看山俗慮清况復與僧行徑密草交色林迴鳥
換聲披雲孤衲重掛月一瓢輕不用憂迷路燈
光見化城

鼓山寺

空門有夙因歲歲往來頻方丈墨猶濕祇園花
又新佛應憐熟客山但借閒人不分居城市紅
塵老此身

靈源洞與微公賦

洞藏青嶂裏路出白雲層苔色侵禪榻松陰暗
佛燈樹撐危石墜藤束古崖崩不用尋僧語問
遊自有僧

趙用拙招遊白雲洞迷路而返却寄

古洞知何處山僧路亦迷行來千嶂外猶隔數
峰西徑險猿難度林深鳥自啼漁郎真夢境浪
說武陵谿

喜果慧禪師見訪

多年居古洞偶爾到王城老益禪心定貧苦世
諦輕空猶嫌有相火久斷無明再拜求真偈流

傳度衆生

贈趙用拙居士

留髮不披緇行藏衆所疑
慧因聞道早壯悔出家
遲果以今生滿僧應夙
世爲懸知他日遇改
却舊鬢眉

問伯孺病

時事已如此看君轉自愁
不堪燃桂苦况抱采
薪憂藥以何錢買糧應
幾日休妻兒皮骨在相
向淚交流

贈張少府

戀越終辭楚幽栖似鹿門
烟霞一作侶車馬不
聞喧世事惟高枕生涯
只灌園自航泉石趣豈
是學桃源

黑髮棄軒冕歸畊南畝田
不飛雲外鳥時拄杖
頭錢野性耽丘壑幽居
遠市廛中峰高隱處長
抱白雲眠

長安
張少府

長安
張少府

附錄
卷五

三



